

emolliri corpus, primamq; ætatem ad incrementum eâ re multum juvari, & hanc quidem omnium prudentium medicorum consensionem esse; ut proinde etiam hoc profuisse ad insignem majorum proceritatem, dubitandum non sit. Inservire etiam idè arbitror balnea puerulis certâ quâpiam tabe corporis laborantibus, quam vulgus crinonibus, *denen Nit* Effert tribuit: ubi loco putredinis animatæ excrementitiæ materiæ potius poris cutis undiq; impactam esse suspicor, quam eâ ratione dilui atqve elici posse credo, ut postea facilior atqve felicior nutritio puerulorum subsequatur; superfluam verò industriam collocare mulieres arbitror in balneis variis conficiendis, dum feces, pollinem tritici vel pulvem certam, mel aliæque similia appropriata putata pro dracunculis istis è cute promptius evocandis adhibent; de quibus alio in loco commodiori pleniora dabimus. Plura qui appetit de atrophia curanda mediantibus balneis naturalibus ritè usurpatis, evolvat *Joh: Bauhinum de aquis medicatis l. 3. c. 3.* Idem autor ibidem *cap. 2. p. 181:* perhibent, inquit, obesos fieri homines aquâ Antiohi in Campania tractu temporis ob mediocrem siccitatem. Quod præterea balneis delectentur Ægyptiî atqve iis inter alia obesitatem sibi procurare intendant, patet ex *Prosper: Alpini de Medic: Ægypt: l. 3. c. 14. 17.* Nescio num' opportunè huic traham, quod habet *Ælianus lib: 5. histor: animal: c. 45.* inquit: suem pingvescere audio non cum plurimum lavatur, sed cum in luto versatur ac volutatur & aquam turbidam bibit. *Aristot: lib: 8. histor: animal: c. 6.* dicit itidem sues lavando in cæno pingvescere. Plura de suis lustrò vel lacunis delectantibus tradit *Vorstius in Adagiis novi testam: p. 27.*

In præcedentibus subinnuimus, quod continuus calor fatiget corpus atqve inde fatiscet ac destruetur pingvedo, quod itidem labores & affectus animi præstant. Sic non opus videtur probatione operosâ quod curæ edaces nomen & omen, vel efficaciam habeant, & corpus macerent ac extenuent, veluti si volupe est, de epitheto illo curarum consuli potest *Joh: Nic: Wernerus in corpusc: philol: p. 219. § 221.*

Idem efficiunt animi affectus sinistri, scilicet mæror, tristitia,

stitia,